

# "Ao Ejmour Ao Eddo" Women's Cancer Screening Campaign, 2019 RMI

Iakwe im kautiej aolep kora ro ibelakin Republic in an Majol. Ij kajitok jiban im borokuk eo jen kom ilo ad kajion in manelok im bobraik naninmej in kanjer ko re jelit kij im bareinwot rejan aolep nan kakomanmanlok ejmour eo adwoj kajjojo.

Iburomoj in karon kom ke ilo lal in, Majol in ej bed ilon tata ilo jonan bonbon ko ikijeen naninmej in cervical cancer ak nanimej ko rejelit mour ko an kora. Juon naninmej eo ebiroro kemouri elane emakaj ad kakolkol im loe.

Jonan bonbon ko an naninmej in ittit ak breast cancer ej bareinwot utiej, ilubiljin aolep kain kanjer ilo Majol in, kanjer in ittit ej #3. Imonono in karon kom ke ne emakaj ad loe naninmej kein, jemaron bobraiki jen an monane im kakure kij. Jej loe kio elaplok bonbon ko nan colon cancer, bareinwot, ak kanjer in jikin burej.

Einwot juon eo ami President im Jinen Aelon kein, ij rejan kom aolep kora ro bwe kom in kejparok ejmour ko ami enwot ke elap eddo ko ibbed einwot jinen juon baamle.

Jino jen kio im wonmanlok, WUTMI im Ministry eo an Ejmour renaj tel kij ilo juon campaign in kakolkol nan ejmour ak Cancer Screening. Elap an aurok bwe komin bok kakolkol kein im likit ejmour imaan men otemjej. Jej aikuj in karon dron im kolowetak dron bwe jen aolep bok kakolkol kein, juon alen ilo juon ak ruo iio, nan ad maron jipan tarinaik naninmej in kanjer ilo Republic in ad.

Ilo kautiej,

  
Dr. Hilda C. Heine  
President, RMI

Kur opij eo an WUTMI @ 625-4296 or wutmi26@gmail.com ne kwoj aikuj jipan kon appointment. Jemaron in bar kommon awareness ak ekkatok ko nan kolaplok melele nan doulul ko jabrewot.

